

TAROPWEN POROUS ENNET FANITEN CHON AWORA AND ANGEI ANINISIN TUMWUN

POROUSEN EWE APWOSUN SPIKEVAX (COVID-19, mRNA), APWOSUN MODERNA COVID-19, ME EWE APWOSUN MODERNA COVID-19, BIVALENT (ORIGINAL ME OMICRON BA.4/BA.5) FANITEN EPPETIN SEMWENIN CORONAVIRUS 2019 (COVID-19)

FANITEN ARAMAS IER 6 ME WATTENO

En me noumw uwe semirit a mwumuta oupwe angei ew me nein ekei apwos Apwosun SPIKEVAX (COVID-19, mRNA), Apwosun Moderna COVID-19, ika Apwosun Moderna COVID-19, Bivalent (Original me Omicron BA.4/BA.5), iei epwene chok iteni Apwosun Moderna COVID-19, Bivalent, ren eppetin ewe semwen Coronavirus 2019 (COVID-19) a fis seni SARS-CoV-2.

Ei Taropwen Porous Ennet faniten Chon Angei me Awora Aninis me masowen ren Taropwen Ennetin Porous fan esenesin mwumutan aian Apwosun Moderna COVID-19 me ewe Apwosun Moderna COVID-19, Bivalent ren aramas ier 6 me watte seni, mi pwan pachenong porousen ewe FDA laisen me apwosun SPIKEVAX (Apwosun COVID-19, mRNA) ren aian faniten aramas ier 12 me watte seni.¹

Ewe mi mwumuta meren FDA SPIKEVAX (Apwosun COVID-19, mRNA) me ewe Apwosun Moderna COVID-19 mi mwumuta faniten Emergency Use Authorization (EUA, Mwumuta Ain Faniten Emerchensi) ren armas ier 12 ika watte seni ir mei tongeni angei ika aia, ika repwe oponuweta met mi mak ika pesepes ren aian.²

SPIKEVAX (Opposun Eppetin COVID-19, mRNA) mei mwuumwuuta aean meren chon FDA, opposun eppetin COVID-19 chon ModernaTX, Inc. re fori. Mei mwuumwuuta pwe epwe ruu opposun ren eppetin COVID-19 seni aramas ier 18 me nap seni. Mei pwan muumwuuta aean ren EUA an epwe kawor:

- ewe ruu opposun ren angangen oppos ngeni aramas ier 12 ngeni ier 17; me
- ewe eunungatin oppos ren aramas ier 12 me nap seni, ekkewe mei ffat pwe mei apwangapwang nour monun fiu ngeni semwen.

¹ En mi tongeni angei ika toruk ei Taropwen Porous Ennet ika mwo noumw uwe semirit mi ier 5. Semirit ier 5 repwene tori ier 6 me nefinen ar angei ekewe ewin kinikinin apwos ir mi tongeni angei, ese nifin ekewe kinikinin aian apwos me non ewe ewin, ika: (1) ewe Apwosun Moderna COVID-19 mi mwumuta faniten semirit ier 6 maram tori 5 ier; ika (2) Apwosun Moderna COVID-19 mi mwumuta faniten aramas ier 6 tori ier 11.

Semirit epwe amwet ierir seni 11 ngeni 12 ierir nuukanapen ar angangen opposun eppet mei tongeni, ren ekkewe akkomwen oppos, angei ew me nein: (1) ewe Moderna Opposun Eppetin COVID-19 ren ekkewe semirit ier 6 ngeni 11; ika (2) Moderna Opposun Eppetin COVID-19 mei mwuumwuuta aean ngeni aramas ier 12 me nap seni; ika (3) SPIKEVAX (Opposun Eppetin

COVID-19, mRNA).

² Ewe Apwos mi mwumuta iten SPIKEVAX (COVID-19, mRNA) me ew nikinikin ika ongonongonen ren EUA-mwumutan Apwosun Moderna COVID-19 (outun non ekewe waan sefei mi par apwenin me araw winikin orun iten) ka tongeni nounou fengen ese nifin meni ren kinikinin ewin aian faniter aramas ier 12 ika watte seni esor wor osukosuken ika afeiengawen.

Ewe Apwosun Moderna COVID-19 a fen mwumuta aian fan tetenin EUA meren ewe ofesin FDA:

- mi ruu kinikinin aian faniter aramas ier 6 me wattenno; me
- mi pwan wor unungatin kinikinin aia faniten aramas ier 6 me wattenno ika mi wor rer osukosuken semwen ika mi mutir ngenir semwen.

Ei Apwosun Moderna COVID-19, Bivalent a fen mwutata aian ren tetenin EUA meren ewe ofesin FDA an epwe awora ekewe:

- ew chok apwosun booster ren aramas ier 6 me watte seni murinon 2 maram seni ar awesano ar ewin kinikinin apwos ren ekewe sefei mi mwumuta monovalent; Apwosun COVID-19; ika
- Ew chok apwosun booster ren aramas ier 6 me watte seni murinon 2 maram seni ar angei ar minafon booster seni ekewe sefei mi mwumuta aian monovalent ren apwosun COVID-19.

Ei Taropwen Ennetin Porous mi pachenong porousen aninisin ren aninisin omw kopwe weweiti ochun me afeiengawen ewe Apwosun SPIKEVAX (Apwosun COVID-19, mRNA), Apwosun Moderna COVID-19, me ewe Apwosun Moderna COVID-19, Bivalent, en me noumw uwe semirit ouwa tongeni angei ekeiw apwos pokiten mi ter ei semwenin COVID-19. Fos ngeni ewe chon awora ewe apwos ika mi wor omw kapas eis.

SPIKEVAX (Opposun Eppetin COVID-19, mRNA), Moderna Opposun Eppetin COVID-19, me Moderna Opposun Eppetin COVID-19, Bivalent meni esapw iiman ngeni meinisin aramas.

Ei Taropwen Ennetin Porous meni mei siiwin. Ren minafon ei Taropwen Porous Ennet, kose mochen fisit www.modernatx.com/covid19vaccine-eua.

MET MI OUCHEA KOPWE SINEI ME MWEN EN ME NOUMW UWE SEMIRIT OUPWE ANGEI EI APWOS

MET EI COVID-19?

COVID-19 ew sokkun semwenin coronavirus itan SARS-CoV-2. Ei sokkun coronavirus ese mwo pwangeni aramas. Mei tongeni uruk COVID-19 seni emon aramas minne ka mei wor ren ena semwen. Och sokkun semwenin ammat nge mei pwan tongeni angawano masowen non inis. Aramas e urir COVID-19 mei sokkopaat esisinnen semwen rer, seni ekkan mei chok atittin ar semwen ngeni ekkan mei chouchou ngenir ar semwen. Esisinnen semwenin mei tongeni pwano 2 ngeni 14 ran mwirin an tori emon monun ewe semwen. Esisinnen semwenin mei pachenong: pwichikkar ika fou; mwiengas; monunu; metekitek futuken inis ika non inis; metek mokur; ese tongeni neni ika fareni mettoch; metek non chior; pin pwot ika mwongopwot; eningaw ika mwus; feinsen.

IFA USUN EKEI SEFEI SPIKEVAX (COVID-19 APWOS, mRNA), APWOSUN MODERNA COVID-19, ME EWE APWOSUN MODERNA COVID-19, BIVALENT RA WEWENO?

³ Monovalent iei iten ekei apwosun COVID-19 mi mwumuta mi wor ewe menin setei non ei apwos a tongeni angang won ika siwini ototen ewe spike protein me non ewe menin fairos Original SARS-CoV-2.

⁴ Ewe Apwos mi mwumuta iten SPIKEVAX (COVID-19, mRNA) me ew nikinikin ika ongonongonen ren EUA-mwumutan Apwosun Moderna COVID-19 (outun non ekewe waan sefei mi par apwenin me araw winikin orun iten) ka tongeni nounou fengen ese nifin meni ren kinikinin ewin aian faniter aramas ier 12 ika watte seni esor wor osukosuken ika afeiengawen.

SPIKEVAX (Apwosun COVID-19, mRNA) me ewe Apwosun Moderna COVID-19 ka tongeni aia ekei ruu apwos ese nifinifin.⁴ Ewe Apwosun Moderna COVID-19, Bivalent a pwan kawor seni ewe chok nofitin sefei usun SPIKEVAX me ewe Apwosun Moderna COVID-19, nge sokonon chok pwun mi pwan pachenong ewe menin Omicron pwun pochokunen epwe tongeni oukano ewe menin COVID-19 mi fifis seni ewe pekin menin Omicron me non SARS-CoV-2.

Ren sopwosopwun porousen EUA, katon ewe “**Met ena Mwuumwuuta Aean Fansoun Imerechensi (EUA)?**” kinikin nesopwonon ei Taropwen Ennetin Porous.

MET KOPWE ERENI EWE CHON AWORA AN NOUMW UWE APWOS ME MWEN AN NOUMW UWE EPWE ANGEI EKEWE APWOS?

Kopwe ereni ewe chon awora apwos ika mi wor terin ika osukosuken noumw uwe ren pekin semwen me sefei, pwan ika noumw uwe semirit:

- wor pekingawen safei ika mwongo ngonuk
- piin uruk myocarditis (ngut futuken ngasangasomw) ika pericarditis (ngut unuchen ngasangasomw)
- uruk fou pwichikkar
- mei wor omw semwenin cha ika en mei wuun safeian an esapw periper cha non inisum
- mi mutir ngonuk semwen ika en ika noumw uwe mi kn angei ekoch sefei mi atai ika afisata osukosuken inisumw.
- en mei pwopwo ika ekieki pwe en mei tongeni pwopwo
- en mei oupwu noumw
- en mei angei pwan ew opposun eppetin COVID-19
- en mei piin peno ren omw angei ew oppos

IO KEWE RESAPW ANGEI SPIKEVAX (APWOSUN COVID-19, mRNA), APWOSUN MODERNA COVID-19, IKA EWE APWOSUN MODERNA COVID-19, BIVALENT?

En ika noumw uwe semirit kosapw angei ekei apwos ika en ika noumw uwe semirit:

- wor pekingawen ei oppos ngonuk mwirimwirin omw ewe keran angei ewe SPIKEVAX (Opposun Eppetin COVID-19, mRNA) ika Moderna Apwosun COVID-19
- wor pekingawen masowen non ei opposun eppet ngonuk

MET MASOWEN NON EKKEI OPPOSUN EPPET?

SPIKEVAX (Apwosun COVID-19, mRNA), Apwosun Moderna COVID-19, me ewe Apwosun Moderna COVID-19, Bivalent mi pachenong ekei iten sefei me nofit: messenger ribonucleic acid (mRNA), lipids (SM-102, polyethylene glycol [PEG] 2000 dimyristoyl glycerol [DMG], cholesterol, and 1,2-distearoyl-sn-glycero-3-phosphocholine [DSPC]), tromethamine, tromethamine hydrochloride, acetic acid, sodium acetate trihydrate, me sucrose.

IFA USSUN ACH ANGEI EKKEI APWOSUN EPPET?

SPIKEVAX (Apwosun COVID-19, mRNA), Apwosun Moderna COVID-19, ik ewe Apwosun Moderna COVID-19, Bivalent repwe apwosu ngeni noumw uwe semirit won kinin an muson.

Ewin Kinikinin: SPIKEVAX (Opposun Eppetin COVID-19, mRNA) me Moderna Opposun Eppetin COVID-19 mei kawor fan ruu opposun, 1 maram nefinar. Ewe eunungatin oppos, mei tongeni kawor mwaren 1 maram mwirin ewe oruuwen oppos ngeni aramas mei apwangapwang nour monun fiu ngeni semwen.

Aian Booster: Moderna Opposun Eppetin COVID-19, Bivalent mei kawor non efoch oppos, mwaren 2 maram mwirin:

- Murin wesinon omw ounusa omw ewe ewin kinikinin apwos ren ekewe sefei ika apwos mi mwumuta sefeien monovalent apwosun COVID-19; ika
- Wesinon omw angei ewe minafon booster Ren ekewe sefei me apwos mi mwumuta sefeien monovalent apwosun COVID-19.

MEI PIIN WOR AEAN EKKEI OPPOSUN EPPET ME MWAN?

A tori fite million aramas ier 18 me watte seni ra fen angei ei Apwosun Moderna COVID-19 fan EUA seni non December 18, 2020. Non ekewe nenien sotuni sefei, ukukun 30,000 aramas ier 12 ika watte seni, 4,000 aramas ier 6 tori 11 ier, me 5,000 aramas ier 6 maram tori 5 ier ra fen wes ne angei ika mwo 1 aian ei Apwosun Moderna COVID-19.

Non ekee nenien sotuni sefei, ukukun 400 aramas ier 18 me watte seni ra fen angei 1 aian ena bivalent apwos mi sokono seni ewe Apwosun Moderna COVID-19, Bivalent pwun ei apwos mi pachenong pwan ew sokun menin Omicron ese wewe.

MET PEKIEOCHUN EKKEI OPPOSUN EPPET?

SPIKEVAX (Opposun Eppetin COVID-19, mRNA) me Moderna Opposun Eppetin COVID-19 mei wor pisekin pwarata pwe mei eppet semwenin COVID-19. FDA ra mwuutata ewe Moderna Opposun Eppetin COVID-19, Bivalent pwe epwe anisi ne apochokkunano eppetin COVID-19 e feito seni ewe monun Omicron seni SARS-CoV-2.

Fansoun tamen an epwe eppet semwenin COVID-19 ese mwo ffat non ei atun.

MET NGAWEN IKA OSUKOSUKEN EKEI APWOS ?

Mei tongeni wor fansoun an epwe wor chouchoun pekingawen ekkei opposun eppet ngeni emon. Mei tongeni pwano pekingawan ngeni emon non chok fitu minich ngeni ew awa mwirimwirin ar angei ew oppos. Pokiten ei wewe, ewe chon awora an noumw uwe apwos mi tongeni tingorei noumw uwe an epwe nomw non ewe neni a angei ewe apwos pwun repwe sopwosopw ne katton murin an angei ewe apwos. Esisinnen an mei wor pekingawan ngonuk:

- Weires ngasangas
- Ngut won mesomw me non chioromw
- Pichipichikkai ngasangasomw
- Watten ttir won unusen inisumw
- Mwanien me monunu

Myocarditis (semwenin non fituken muson non ngasangasen) me pericarditis (semwenin non winikin ika nukun ngasangasen) mi fis me won ekocho aramas ir mi angei ewe SPIKEVAX (Apwosun COVID-19 Vaccine, mRNA) ika ewe Apwosun Moderna COVID-19, napengeni a kan fis non mwan resan tori ier 40 ese kon pwapwa me won ekewe mi watteno ika fefin. Napengeni ekkei aramas, esisinnen semwenin e popwuta fitu ran mwirimwirin ar angei ar

oruwen opposun eppet. Fisefisen ei semwen Ese kon watte Kopwe mutir cheeta pioing ika en ika noumw uwe semirit mi fis ngeni kemi ekei wesinon ami angei apwos:

- Metek fan mwarumw
- Mecheresingaw ne ngasangas
- Mefi pwe mei mwittir pichipichin, pichipichingaw, ika ngupwir pichipichin ngasangasomw

Pekingawen ekkei opposun eppet mei wor chon esinesin ren fansoun ewe pekin sossot, mei pachenong:

- Nikinikin won ewe newon apwos: metek, pwetete me pwo winikin en ewe kinas ika fituken me nemwon, pwo (pochokun), me parapar
- Ekoch memef ren pekingawen sefei: metekitek, metek mokur, metek non fitukomw, metek non chuu, you, monunu, mus, pwichikar me kiningaw

Pekingawan e wor chon esinesin ren mwirimwirin an wesino mwuumwuutan aean, mei pachenong:

- Pekingawan mei anoniinen
- Mayocarditis (ngut futuken ngasangasomw)
- Pericarditis (ngut unuchen ngasangasomw)
- Peeno ren angangen ewe oppos

Ina esapw iei meinisin pekingawen ekkei opposun eppet. Pekingawan mei anoniinen mei togneni pwisin fisita. Ir mei chiwen kaeo ngeni ar repwe sinei meinisin pekingawen ekkei opposun eppet.

MET UPWE FORI REN PEKINGAWAN?

Ika mi watte ngonuk ika ngeni noumw uwe ekewe osukosuken allerchi iwe kopwe mutir Kori 9-1-1, ika emwenanon non pioing.

Kori ewe chon awora ewe apwos ika an noumw uwe semirit doktor ika mi fis ngonuk ika noumw uwe ekewe osukosuken allerchi ika pwan rese mwono sonuk.

Esinesin ren pekingawen omw opposun eppet ngeni **FDA/CDC Nenien Esinesin Ren Pekingawen Opposun Eppet (VAERS)**. Ewe namban VAERS ese kamo 1-800-822-7967 ika repotini online ngeni <https://vaers.hhs.gov/reportevent.html>. Kose mochen apachanong ika afata “SPIKEVAX (COVID-19 Vaccine, mRNA)”, “Moderna COVID-19 Vaccine EUA,” ika “Moderna COVID-19 Vaccine, Bivalent EUA”, me non ena taropwe, non ena aewin lain non pwor #18 me non ena taropwen amasow.

Pwan sopwosopwono, en mi pwan tongeni repotini ekei pekingawen sefei ngeni ewe ofesin ModernaTX, Inc. ren 1-866-MODERNA (1-866-663- 3762).

Mei pwan wor fansoun omw kopwe fiti ewe **v-safe**. **V-safe** ew sokkun pisek mei wor won smartphone mei aea text message me tetennin kapas eis won ar webpage omw kopwe kapas ngeni ekkoch araas ra angei ewe opposun eppet pwe kopwe sinei met mei tongeni fis mwirimwirin ewe opposun eppet COVID-19. **V-safe** mei kapas eis ren an epwe anisi ewe CDC ar repwe nennengeni tumwunun opposun eppet COVID-19. **V-safe** mei pwan esinesin ren Siiwin: Oct/12/2022

fansoun angangen oruwen oppos ika ke mochen me ar repwe kokko pwe repwe cheki ifa ussun ekkewe chon esinesin ngeni CDC ren pekingawen ewe opposun eppetin COVID-19 mei chouchou ngenir. Ren sopwosopwun porous ren ifa ussun omw kopwe fiti, no ngeni: www.cdc.gov/vsafe.

MET IKA UWA FINATA PWUN NGANG ME NEI UWE SEMIRIT AM USAPW ANGEI ENA SPIKEVAX (APWOSUN COVID-19, mRNA), APWOSUN MODERNA COVID-19, IKA EWE APWOSUN MODERNA COVID-19, BIVALENT?

Me fan EUA, mi wor omw finata kopwe mochen ika chipwang angei ekei apwos. Ika ka finata pwun kesapw angei, ika noumw uwe esapw angei, esapw fokun atai ika siwini ar angangen aninis me tumwunuk.

MEI PWAN WOR MET MEI KAWOR REN EPPETIN COVID-19 ME NUKUN SPIKEVAX (OPPOSUN EPPETIN COVID-19, mRNA), MODERNA OPPOSUN EPPETIN COVID-19, IKA MODERNA OPPOSUN EPPETIN COVID-19, BIVALENT?

Ren ewin apwos ren aramas ier 12 me watte seni, mi pwan wor ew tapin eppetin COVID-19 iten COMIRNATY (Apwosun COVID-19, mRNA), mi mwumuta seni FDA faniten COVID-19 opposun eppet. Ren aramas ier 6 me watte seni, mi pwan wor ekoch eppetin COVID-19 mi kawor fan EUA, mi pachenong ekoch apwosun bivalent mi wor ewe menin sefei Omicron non minen SARS- CoV-2.

NGANG ME NEI UWE SEMIRIT MI TONGENI ANGEI SPIKEVAX (APWOSUN COVID-19 , mRNA), APWOSUN MODERNA COVID-19, IKA EWE APWOSUN MODERNA COVID-19, BIVALENT FENGEN CHOK EW AIA IKA ATUN?

Ese mwo naaf fatafaten porous mei touronong ngeni ewe FDA ren aean ewe SPIKEVAX (Opposun Eppetin COVID-19, mRNA), Moderna Opposun Eppetin COVID-19, ika Moderna Opposun Eppetin COVID-19, Bivalent fengen me pwan ekoch opposun eppet. Ika en mi ekiekin kopwe angei ika noumw uwe semirit epwe angei ew me nein ekei sefei SPIKEVAX (APWOSUN COVID-19, mRNA), Apwosun Moderna COVID-19, ika ewe Apwosun Moderna COVID-19, Bivalent nge kopwe achupa me ruu, iwe fos akomw ngeni noumw uwe daktor ika pioing.

NGE MET IKA NGANG, IKA NEI UWE SEMIRIT, MI WOR OSUKOSUKEN INISIN IKA MUTIR NGENI SEMWEN?

Ika en, ika noumw uwe semirit, mi wor osukosuken inisin, iwe manip repwe mwut ngeni epwe angei pwan ew unungatin kinikinin aian ewe Apwosun Moderna COVID-19 ika ewe SPIKEVAX (APWOSUN COVID-19, mRNA).

Arams ier 6 me watte seni mi tongeni angei ewe aian booster ren ewe Apwosun Moderna COVID-19, Bivalent. Fan ekoch ekei apwos esapw unus pochokunen eppetin ngeni aramas mi wor osukosuken inisir, iwe mi och kopwe sopwosopwono ne tumwunu an noumw uwe semirit epwe oponuweta ekewe ototen tumwunoch pwun epwe anisi me eppet seni COVID-19. Chon nonnomw reomw, repwe angei ar apwosun eppet ika mei tufich.

NGE MET REN EKEWE MI PWÓPWÓ IKA ATU NOUR MWONUKON?

Ika en, ika noumw uwe semirit, mi pwópwó ika atu noun mwonukon, iwe kopwe fos ngeni noumw uwe daktor ren ototen ei metoch.

MET EKI APWOS REPWE NGENI EI IKA NEI UWE SEMIRIT MENIN COVID-19?

Apw. Ekei apwos esor ewe menin SARS-CoV-2 non iwe rese tongeni afisi ika awora ngonuk COVID-19.


TUMWUNU NOUMW UWE CARDIN APWOS

Nupwen en, ika noumw uwe semirit, ka ngei ena Apwosun COVID-19, Ina repwe ngonuk eche noumw cardin apwos. Chechemeni kopwe nukei eu card ika ka pwan niwininong.

SOPWOSOPWUN POROUS

Ika mei wor omw kapas eis, no ngeni ewe website ika kokkori ewe nampa mei kawor fan ei.

Omw kopwe katon saingonon ach Taropwen Ennetin Porous, en mei tongeni scan-ini ewe QR mei kawor fan ei.

An Moderna Opposun Eppetin COVID-19 ewe website	Nampan tengwa
<p data-bbox="233 512 773 541">www.modernatx.com/covid19vaccine-eua</p> 	<p data-bbox="1003 512 1243 579">1-866-MODERNA (1-866-663-3762)</p>

UPWE IFA USSUN NE SOPWENO AI SINEI POROUSAN?

- Kapas eis ngeni ewe chon awora ngonuk opposun eppet
- No ngeni CDC ikei <https://www.cdc.gov/coronavirus/2019-ncov/index.html>
- Fisit FDA ren <https://www.fda.gov/emergency-preparedness-and-response/mcm-legal-regulatory-and-policy-framework/emergency-use-authorization>
- No ngeni omw state ika kinikinin local public health

EPWE MAK IA IKA ISOIS IA POROUSEN AM APWOS?

Ewe chon awora ewe apwos mi tongeni wanong porousen an noumw uwe semirit apwos non ewe Immunization Information System (IIS, Nenien Porousen Apwosun Semwen) me non ewe kinikin non omw uwe state/sopw ika pwan non ekoch nenien iseisen porous. Pokiten repwe fori fichi pwun en ika noumw uwe semirit epwe pwan angei chok pwan ewe sokun apwos me non ewe kinikinin ewin apwos nupwen ami niwinin sefan ren oruwen apwos. Ren sopwosopwonon porousen ei IISs, no ngeni:

<https://www.cdc.gov/vaccines/programs/iis/about.html>.

UPWE PWAN MEONI NIWININ AI ANGEI EKKEI OPPOSUN EPPETIN COVID-19?

Apw. Non ei fansoun, emon tokter ese tongeni amomo ngonuk ew opposun eppet me ese tongeni an epwe angei me non ewe opposun eppet administration pakking ika pwan ew sokkun mwoni ren kaworen chok ewe opposun eppetin COVID-19. Nge, chon awora kkewe opposun eppet mei tongeni ar repwe kutta meon ar angeng me non ewe prokram ika kaworen mwoni me wor ren opposun eppetin COVID-19 administration pakking ren ewe chn angei ewe opposun eppet (insurance mei private, Medicare, Mdicaid, HRSA COVID-19 Prokram ren ekkewe ese wor nour insurance).

IAN UPWE TONGENI ESINESIN ME IA REN CHON SONA?

Aramas re ekieki pwe mei wor sona ren angangen ewe CDC Opposun Eppetin COVID-19 Prokram, mei pesepes pwe repwe esinesin ngeni ewe Ofesin ewe Inspector General, U.S. Department ren Health me Human Services, won nampa 1-800-HHS-TIPS ika TIPS.HHS.GOV.

MET EWE PROKRAMMIN NIWININ ION MEI FEIENGAW?

Ewe Proqrammin Niwinin Chon Feiengaw (CICP) ew an federal proqram mei tongeni anisuk omw kopwe meoni niwinin omw nomw non pioing me pwan met sokkun niwin ren ekkoch aramas ir mei feiengaw ren ekkoch sokkun safei ika oppos, pachenong pwan ekkei opposun eppet. Akkomw, ew esinesin epwe tourenong ngeni ewe CICP me non chok ew (1) ier seni omw angei ewe opposun eppet. Ngeni ika ke mochen sinei sopwosopwen porousen, fisit www.hrsa.gov/cicp/ ika kori 1-855-266-2427.

MET EWE MWUUMWUUA FANSOUN IMERECHENSI (EUA)?

Ewe EUA, ew sokkun angang epwe aninnis ne awora me mwuutata aean ekkoch pisekin safei, pachenong opposun eppet, fansoun an wor an public health imerechensi, awewe ren ei matter ren COVID-19. Ewe EUA mei wor ar etipeew meren ewe Secretary ren Health me Human Services (HHS) an affat pwe non ekkoch fansoun, epwe wor pwungun an wor aean safei fansoun imerechensi me pwan met biological pisek fansoun matter ren COVID-19. Ew pisek mei mwuumwuuta aean fansoun imerechensi ese mwo wor fansoun an FDA repwe katon angangan, ussun ren ekkoch piesk mei mwuumwuuta meren chon FDA.

FDA mei tongeni awora ewe EUA ika mei tufich ngeni ekkoch ar mochen, awewe ren an ese naaf, ese mwuumwuuta, me ese wor pwan ew sokkun aninnis. Pwan ew, an FDA finata e feito seni an wor pisekin pwarata ren pekin science mei affata pwe ena pisek mei tongeni an epwe eppet COVID-19 fansoun matter ren COVID-19 fengen me ar sinei pwe pekieochun e nap seni pekingawen ewe pisek. Meinsin ekkei kinikinin epwe ponueoch me mwen ar repwe mwuutata ew pisek pwe repwe aea fansoun matter ren COVID-19.

Ewe EUA epwe ketiw fansoun an wor appion ewe COVID-19 EUA pwe mei wor pwungun aean ei pisek, me nukun chok ika ra awesi ika eniwini (mwirimwirin, esapw chiwen wor aean ewe pisek).

Moderna US, Inc.
Cambridge, MA 02139

©2022 ModernaTX, Inc. Meinsin pwungun ennuhun.
Patent(s): www.modernatx.com/patents
Siwin: Oct/12/2022



Scan-ini omw kopwe katon ei Taropwen Ennetin Porous mei kawor ngeni chon angei ewe opposun eppet ren ewe rekotun safei/porousen opposun eppet me won kampiuter.

GDTI: 0886983000349